

Na osnovu člana 24. tačka 2. Statuta općine Gradačac („Sl. Glasnik općine Gradačac“, br. 4/08, 5/12 i 1/17), a na prijedlog Općinskog načelnika, Općinsko vijeće Gradačac na sjednici od -----2017. godine donosi

O D L U K U

O OPĆIM USLOVIMA, POSTUPKU I KRITERIJIMA

ZA OSTVARIVANJE PRAVA NA STIPENDIJU OPĆINE GRADAČAC

Član 1.

Ovom Odlukom se utvrđuju opći uslovi, postupak i kriteriji za ostvarivanje prava na stipendiju općine Gradačac.

I Opći uslovi za dodjelu stipendija

Član 2.

Pravo na stipendiju općine Gradačac mogu ostvariti učenici srednjih škola i redovni studenti od I do VI godine studija i prvog ciklusa bolonjskog sistema studiranja u okviru kategorija predviđenih ovom Odlukom.

Član 3.

Sredstva za stipendije planiraju se i obezbjeđuju u Budžetu Općine Gradačac. Za svaku budžetsku godinu Općinsko vijeće donosi Odluku o iznosu sredstava i broju stipendija koje se dodjeljuju u školskoj/akademske godini.

Član 4.

Stipendije se dodjeljuju kandidatima koji imaju najveći broj bodova, najbolji rang, do broja predviđenog Odluku o iznosu sredstava i broju stipendija za konkretnu kategoriju u toj školskoj/akademske godini.

Član 5.

Stipendije se dodjeljuju učenicima i studentima koji se školuju u srednjim školama i univerzitetima u BiH, osim u slučaju kada učenici generacije nastavljaju studiji izvan BiH.

Član 6.

Iz jedne porodice najviše dva kandidata mogu ostvariti pravo na općinsku stipendiju u istoj školskoj godini.

Član 7.

Pravo na dodjelu općinske stipendije ima kandidat koji ispunjava opće i posebne uslove:

- da je državljanin BiH,
- da je redovan učenik/student srednjih škola i fakulteta u BiH,
- da prvi puta upisuje razred/godinu
- da ima prijavljeno prebivalište na području općine Gradačac.

Član 8.

Pravo na dodjelu općinske stipendije ne može ostvariti kandidat u sljedećim situacija:

- ako obnavlja školsku godinu,
- ako je korisnik stipendije od drugog izvora,
- ako je u statusu apsolventa,
- ako je navršio 25 godina života.

Član 9.

Kategorije učenika i studenata kojima se dodjeluju stipendije:

Kategorija 1: učenici generacije osnovnih i srednjih škola ako su nastavili redovno školovanje,

Kategorija 2: studenti sa ostvarenom prosječnom ocjenom u prethodnoj akademskoj godini 9,00 i više,

Kategorija 3: studenti I godine studija/brucosi,

Kategorija 4: studenti II do VI godine dodiplomskog studija i I ciklusa bolonjskog sistema studiranja,

Kategorija 5: učenici srednjih škola i studenti iz socijalno ugroženih porodica:

- a) korisnici stalne socijalne pomoći,
- b) učenici/studenti bez oba roditelja,
- c) učenici/studenti na porodičnom/domskom smještaju,
- d) učenici/studenti sa invaliditetom,
- e) učenici/studenti iz romskih porodica.

Član 9.

Ukoliko u nekoj od kategorija prema Odluci o broju i visini stipendija ne bude prijavljen dovoljan broj kandidata koji ispunjavaju uslove, za isti broj se povećava broj stipendija u kategoriji 4.

II Postupak dodjele stipendije

Član 10.

K o n k u r s

Stipendije se dodjeljuju na osnovu raspisanog konkursa. Zaključak o raspisivanju konkursa donosi Općinski načelnik. Konkurs raspisuje Općinska služba za društvene djelatnosti i boračko-invalidsku zaštitu, koja izrađuje prijedlog konkursa, obavlja i druge stručne i administrativne poslove vezane uz ovaj postupak koji nisu u opisu poslova Komisije za provođenje konkursa za stipendiju općine Gradačac.

Konkurs se raspisuje najkasnije do sredine oktobra za svaku školsku/akademsku godinu i otvoren je 15 dana.

Konkurs se objavljuje na općinskom info-panou i internetskoj stranici Općine Gradačac (www.gradacac.ba).

Član 11.

Konkurs sadrži sljedeće podatke:

- naziv organa koji raspisuje konkurs,
- iznos stipendija,
- broj stipendija,
- uslove i kriterije za dodjelu stipendija,
- trajanje konkursa,
- naziv tijela kojem se podnose zahtjevi,
- potrebnu dokumentaciju, dokaze o ispunjavanju uslova za dodjelu stipendija,
- rok u kojem će biti objavljeni rezultati.

Član 12.

K o m i s i j a

Pristigle prijave na konkurs otvara, razmatra i boduje Komisija za provođenje konkursa za dodjelu stipendija općine Gradačac (u daljem tekstu: Komisija).

Komisiju za svaku školsku/akademsku godinu imenuje Općinski načelnik. Komisija će na osnovu Pravilnika o kriterijima i bodovanju u postupku ostvarivanja prava na stipendiju općine Gradačac (u daljem tekstu: Pravilnik) sačiniti Privremene rang-liste kandidata u svakoj od kategorija u roku od 15 dana od dana zatvaranja Konkursa.

Član 13.

Sačinjene Privremene rang-liste kandidata na osnovu bodovanja u svim kategorijama sadrže podatke o kandidatu: prezime (ime oca) i ime, razred/godinu studija, naziv obrazovne ustanove i mjesto, ostvaren broj bodova po svim kriterijima bodovanja i ukupan broj bodova. Komisija privremene rang-liste dostavlja Komisiji Općinskog vijeća za društvene djelatnosti i boračko-invalidsku zaštitu. Privremene rang-liste Komisija Općinskog vijeća za društvene djelatnosti i BIZ objavljuje na info-panou općine Gradačac i web-stranici.

Član 14.

Na objavljenene Privremene rang-liste nezadovoljni kandidati mogu uložiti prigovor zbog nepravilnosti u postupku u roku od osam dana od dana objavljivanja rang-listi.

Prigovor se podnosi Komisiji za Statut i opća akta putem Općinske službe za društvene djelatnosti i BIZ.

Komisija za Statut i opća akta dužna je odlučiti po prigovoru u roku od 15 dana od dana podnošenje prigovora.

Odluka po prigovoru je konačna.

Po rješavanju prigovora Komisija Općinskog vijeća za društvene djelatnosti i BIZ utvrđuje Konačne rang-liste kandidata za dodjelu općinske stipendije u svim kategorijama.

Oćinski načelnik donosi Odluku o dodjeli stipendija za tekuću školsku/akademsku godinu, čiji su sastavni dio Konačne rang liste kandidata.

III Kriteriji za ostvarivanje prava na stipendiju u svakoj od kategorija

Član 15.

Posebni kriteriji i postupak bodovanja u svakoj kategoriji:

Kategorija 1: Učenici generacije osnovnih i srednjih škola ako su nastavili redovno školovanje.

U ovoj kategoriji nema postupka bodovanja. Pravo na stipendiju ostvaruju svi kandidati koji su u prethodnoj školskoj godini na kraju osnovne ili srednje škole stekli diplomu „Učenik generacije“ i nastavili redovno školovanje na bilo kojoj obrazovnoj ustanovi u BiH ili izvan nje.

Kategorija 2: Studenti sa ostvarenom prosječnom ocjenom u prethodnoj akademskoj godini 9,00 i više.

Pravo na dodjelu stipendija imaju kandidati koji su u prethodnoj akademskoj godini ostvarili prosječnu ocjenu 9,00 i više, a prema Odluci o iznosu i broju stipendija koje se dodjeljuju u školskoj godini.

Kategorija 3: studenti I godine studija/brucosi

Eliminatrni kriteriji:

- kandidat čija je prosječna ocjena u prethodnoj školskoj godini manja od 4,10,
- kandidat čija mjesečna primanja po članu domaćinstva prelaze 1/3 prosječne plate u FBiH iz prethodne godine.

Elementi bodovanja:

- prosječna ocjena iz IV razreda srednje škole x 100,
- bodovi po osnovu primanja po članu domaćinstva,
- bodovi za brata/sestru studenta.

Kategorija 4: studenti II do VI godine dodiplomskog studija i I ciklusa bolonjskog sistema studiranja

- kandidat (student) čija je prosječna ocjena u prethodnoj akademskoj godini manja od :
 - a) 7,00 (3,00-na skali ocjenjivanja od 2-5) na tehničkim fakultetima,
 - b) 7,50 (3,50 na skali ocjenjivanja od 2-5) na društvenim fakultetima

- kandidat čija mjesečna primanja po članu domaćinstva prelaze 1/3 prosječne plate u FBiH iz prethodne godine.

Elementi bodovanja:

- prosječna ocjena iz prethodne akademske godine x 100,
- bodovi po osnovu primanja po članu domaćinstva,
- bodovi za brata/sestru studenta,
- godina studija.

Kategorija 5: učenici srednjih škola i studenti iz socijalno ugorženih porodica:

- a) korisnici stalne socijalne pomoći,
- b) djeca bez oba roditelja,
- c) djeca na porodičnom/domskom smještaju,
- d) djeca sa invaliditetom,
- e) učenici/studenti iz romskih porodica.

U ovoj kategoriji nema postupka bodovanja. Pravo na stipendiju ostvaruju kandidati koji su redovni učenici srednjih škola/studenti koji prvi puta upisuju školsku/akademsku godinu i posjeduju dokumentaciju o navedenom socijalnom statusu u okviru ove kategorije, a prema Odluci o iznosu sredstava i broju stipendija koje se dodjeljuju u školskoj godini.

Član 16.

Ukupna mjesečna primanja porodičnog domaćinstva čine prihodi koje članovi domaćinstva ostvaruju po osnovu: plaća, starosne, invalidske i porodične penzije, od privredne, uslužne i druge djelatnosti i dopunskog rada, izuzev prinadležnosti iz BIZ-a i socijalne zaštite.

Član 17.

Primjena kriterija i način bodovanja u postupku ostvarivanja prava na stipendije općine Gradačac utvrđenih ovom Odlukom regulisat će se posebnim Pravilnikom koji će donijeti Općinski načelnik u roku od 15 dana od stana stupanja na snagu ove Odluke.

Član 18.

Sa korisnikom stipendije Općinski načelnik potpisuje ugovor o djedjeli općinske stipendije.

Za maloljetnog korisnika stipendije ugovor potpisuje roditelj/staratelj.

Isplata stipendija vrši se na tekući račun kandidata otvoren u poslovnim bankama na ime korisnika stipendija.

Član 19.

Ova Odluka stupa na snagu danom objavljivanja u „Službenom glasniku općine Gradačac“. Stupanjem na snagu ove Odluke prestaje da vazi Odluka o općim uslovima, postuplu i kriterijima za ostvarivanje na stipendiju općine Gradačac, br. 01-05-156/13. od 29.5.2013. godine („Službeni glasnik općine Gradačac“, br. 5/2013.).

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-Općinsko vijeće-**

Broj:
Datum.

**PREDSJEDAVAJUĆI
OPĆINSKOG VIJEĆA**

Enir Šakić, prof

O b r a z l o Ź e n j e

Općinsko vijeće na 8. radnoj sjednici održanoj 12.10.2017. godine usvojilo je Zaključak da Općinska služba za društvene djelatnosti i boračko – invalidsku zaštitu za narednu sjednicu Općinskog vijeća pripremi izmjene i dopune Odluke o općim uslovima, postupku i kriterijima za ostvarivanje prava na stipendiju Općine Gradačac („Službeni glasnik Općine Gradačac“, br. 5/13). Postupajući po gore navedenom Zaključku Služba je sačinila prijedlog Odluke o općim uslovima, postupku i kriterijima za ostvarivanje prava na stipendiju općine Gradačac.

Prethodna odluka kojom je uređivan postupak dodjele općinskih stipendija obuhvatala je i kategorije učenika ili studenata iz porodica korisnika boračko-ivalidske zaštite. Kako je postupak bodovanja i objavljivanja rezultata u ovoj kategoriji bio u vezi sa dinamikom raspisivanja konkursa Ministarstva za boračka pitanja TK, to se u praksi pokazalo da postoji potreba boljeg usklađivanja aktivnosti stipendiranja se resornim ministarstvom, a da ostale kategorije predviđene općinskom odlukom za stipendiranje nemaju zajedničke elemente bodovanja i ne moraju biti rješavane u istom postupku.

Iz tog razloga se pristupilo izradi odvojenih odluka, jer se uvidjelo da se zbog razlika u elementima bodovanja, razlika u terminima raspisivanja konkursa značajno usporava postupak dodjele stipendija i zadovoljstvo korisnika.

Na ovaj način bi sredstva za stipendiranje bila u općinskom Budžetu planirana na jednom ek. kodu i utvrđena **jednom** Odlukom o broju i iznosu sredstava za općinske stipendije za tekuću godinu, a realizovala se kroz dva konkursa.

Odvojenim konkursima bi ubrzali postupak dodjele stipendija za kategorije koje nisu korisnici BIZ-a, jer bi se raspisivao početkom akademske godine, a za kategoriju korisnika BiZ-a postojala bi mogućnost da se konkurs raspisuje prateći dinamiku kantonalnog konkursa.

Općinska služba za društvene djelatnosti

i boračko-invalidsku zaštitu